

Two clarifications as to the 2024 raids

هاي لارا بليز راجعي كل كتاباتي من سنين.

انا كل محيطي خطر علي، هيدا التاريخ الحديث تما قول القديم كمان. مش بس اسرائيل. ومشككتي مع الداخل مش وليدة هلق.

تانيًا يلي عمبكتبه هو لمحاولة الحفاظ على قسم من لبنان يلي ممثليتي قد يكونوا قادرين يحافظوا عليه.

وممكن للنازحين يلطوا فيه بأمان.

واخيرًا إنتي شايغي عموم اللبنانيين مناصرين لممثلين ولو عملوا فيهن متل عمل الحزب، ما فينا بقا ننظر عموم طايفتك تيغيروا رأيين.

ما حدن بلبنان طانفي عن عبث. ما حدن طانفي عن كره.

الطائفية نتيجة وجود جماعات بخيارات سياسية واجتماعية متناقضة ضمن نظام واحد مركزي!

بليز حطي حالك محلي،

انت بتعرفي قديش عمجرب كون عقلاني بالتحليل وبمقاربة الامور وبتعرفي اكثر، وهو الأهم، قديش قلبي مليون محبة وقديش انا مقهور عالوضع الانساني بلبنان وبغزة وغيرن...

وأكيد ما بنسى اشكرك عالثقة بانك تعبري عن افكارك عندي!

(٢)

حبيبي يا جهاد! الاله ما يكون صاييكن شي وتكونوا بأمان

اما وبعد،

تعليقك بشرّ فني لان بفرجي للقارئ قديش صدقًا انا كنت وبعدني بحب كل اللبنانيين مهما طوايفن ولو كانوا ضدي سياسيًا وبتعاطى معن بحياتي اليومية بكل محبة. وولا مرة مثّلت بهالحب، كنت دايمًا صادق.

هيذا الحب يلي بعلمنا ياه يسوع. لدرجة إنك بتفضّل ما تصدّق شو عمتقرا على إنك تمتعض!

يمكن أجمل تعليق إجابني واعلاهم قيمة!

ولكن خليني قلّك: من هل منطلق، ابتعرف انو محبتي تتوازي والعلم:

وحدة ما بتمنع الثانية لا بل بيمشوا سوا.

نحن خيي بهالبلد مجتمعات متعددة: مختلف اكاد اقول بكل شي جوهرى:

- الدين (مش قصة المعتقد انما بتأثيره على سيرة الحياة اليومية)

- والثقافة (culture، مش قصدي فلان معلم وفلان لأ لا سمح الله)

- والنُّظْم الاجتماعية

- وصولاً للخيارات السياسية.

نحن اليوم (عبحكي عن مجتمعي الكنعاني / المسيحي يلي اكيد ناخروا السوس الفسادي المالي كما الاخلاقي ما بنكر) مربوطين بحرب صار الها جولات بمناطقنا

- رغم عن ارادتنا،

- دون الاخذ برأينا،

- دون السماح لنا بإمكانية المشاركة بها لو افترضنا كان في شي ممكن نعمله،

- وبالأخر منصلّح ومن عمّر ومن عوّض عالتضررين (يعني "نحمي ونبني") من جيبتنا عبر ضرايب لدولة مش معبرتنا.

وأخر شي وحتى امام هول الكوارث منشوف ابناء المجتمع الاخر بعده مصرّ بأغلبيته على مناصرة المشاريع يلي ما خصنا فيها، من عروبة فيصل الى عروبة عبد الناصر الى عروبة فلسطين الى سوريا مروراً بال٢٠٠٦ وصولاً لليوم. وبعده مناصر للقيادات يلي حاملة هالمشاريع ومتعايش مع الاستشهاد والدمار (رغم انزعاجه طبعاً) لا بل متقبّل للموضوع (وهيدا حقّه) بس اكثر بعد، بجاهر بهالشي قدامنا وبدو يعطينا دروس.

وبخلال هال ٤٠ سنة، خسرنا وتهجّرنا من مناطق كثيرة بسبب تواجد مجتمعات لبنانية ثانية بمناطقنا بقوة السلاح وبعدها بقوة الديموغرافيا، واهمّها الضاحية، ونص الحدت، واختفينا من صور وصيدا وبعلبك وطرابلس و"الغربية" والشمال والجنوب والبقاع وجبل لبنان الجنوبي.

لذلك، تواجد مجموعات مسلحة بمناطقنا (يعني بالمناطق يلي نحن فيها أكثرية وبالتالي هي مناطق أمنة لنا (ولأي نازح) مش بس من القصف الاسرائيلي انما كمان من بطش المجتمعات الثانية بلبنان يلي يومًا ما ممكن نضطر نخلي مناطقنا من وراها مثل ما صار من قبل _ هذا ما اعنيه)،

هذا التواجد يعتبر خرق علينا فيما خص الصراع بين المجتمعات اللبنانية يلي دفعنا حقو الاف الشهدا (نحن كمان عنا شهداء، بس انتو ما علموكن تاريخنا!) تيضل عنّا مطرح نلطي.

اخيراً بطلب منك تحط حالك محلّي وتشوف بعيوني ومن منظاري وانا جاهز لأي توضيح

حمى الله لبنان ورحم الموتى واعطى الصبر للجميع ووَعَى قادتنا لحل مشاكلنا...